

«Балдәурен» МДҰ

*Балаңыз балабақшаға
барса...*

(дөңгелек үстел)

Әдіскер: Сағынбаева М.Қ

2024-2025 оқу жылы

Мектеп жасына дейінгі балалар мекемелеріндегі тәрбиенің сәбиді отбасында тәрбиелеумен салыстырғанда бірқатар ерекшеліктері бар. Бөбекжай-балабақшалардың бөлмелері балаларға арналған арнайы жиһаздармен жабдықталған әрі кең де жарық. Олардың білікті қызметкерлері балалардың шеберлік қабілетін дамытатын, қоршаған орта туралы түсінік беретін сабақтар өткізеді. Ойыншықтарды, оқу құралдарын өздері іріктеп алады. Тәжірибелі тәрбиешілердің бақылауымен және басшылығымен балалардың өзара қарым-қатынасы өмір бойы ұмытылмайтын терең жолдастық сезімге ұласады, сәби бойында дұрыс мінез-құлық қалыптасады.

Сәбиге балалар мекемесін таңдаған кезде сән қуып, конькимен мәнерлеп сырғанауды немесе шетел тілін үйрететін балабақша іздеудің қажеті жоқ. Сіз үшін әрқашан да үйіңізге жақын орналасқан бөбекжай-балабақшадан ең қолайлысы да, артығы да жоқ.

Балалар мекемесіне орналасар алдында сәби емханада тексерілуден өтеді: диспансеризациядан өтеді, қанына, зәріне, нәжісіне сараптама жасайды. Ал балаңыздың педиатры сәбиге карта толтырады, ол пәтерінде жұқпалы сырқат жоқ па деп эпидемиолог берген анықтамамен бірге балалар мекемесіне тапсырылады. Мектеп жасына дейінгі балалар мекемесінің дәрігері де баланы толықтай қарап шығады. Сөйтіп сәбидің балабақшаға бірінші рет келетін күнін белгілейді.

Балаңызды бақшаға әкелген кезде қабылдап отырған медбикеге оның денсаулығы жайында айтуды, ал кешке қарай үйге алып қайтарда тәрбиешіден сәби бүгін өзін қалай ұстағанын, тамақты қалай ішкенін, қалай ұйықтағанын, не үйренгенін сұрап тұруды әдетке айналдырыңыз.

Өз балаңыз тәрбиеленіп жүрген балалар мекемесінің қоғамдық өміріне белсене араласыңыз, медициналық қызметкерлермен тығыз байланыс жасап тұрыңыз. Егер балаңыз бүгін үйде қалып қойса, оның себебін медбикеге айтып түсіндіріңіз. Ал баланың температурасы көтеріліп, дәрігер шақыртуға тура келсе, онда сырқаттың түрін үш күннен кешіктірмей хабарлаңыз.

Кейбір ата-аналар баласын балабақшаға тастап кетерде екі-үш сағаттан соң келіп алып кететіндерін айтып, уәде береді. Сәби осы уәдені ұмытып кетіп, әке-шешесімен мүлдем кездесе алмай қалудан қорқып, екі көзі төрт болып үнемі жолға қарап тосумен болады, ойынға араласпайды, көңілсіз күйге түседі. Үздіксіз тосу баланы дағдылы ырғақтан шығарады. Ол тамақ ішуден қалады, ұйқысы бұзылады.

Ата-аналар балаларына кезектен тыс әрі күтпеген жерден келген кезде қоршаудың саңылауынан сәбилерге жеміс-жидек бере бастайды. Әрине, мұның зияннан басқа келтірер пайдасы жоқ.

Ата-ананың баласына тек жақсылық істегісі келетіні әбден түсінікті. Бірақ жақсылықтың, сүйіспеншіліктің бұдан басқа, көкейге неғұрлым қонымды түрлері бар.

«Балдәурен» МКҚК МДҰ

2024-2025 оқу жылында «Балдәурен» МДҰ –да ҚР оқу-ағарту министрінің «Тиісті типтердегі және түрлердегі мектепке дейінгі , орта білімнен кейінгі қосымша білім беру ұйымдары қызметінің үлгілік қағидаларын бекіту туралы» 2022 жылғы 31 тамыздағы №385 бұйрығы негізінде отбасы мен тәрбиеленушіні әлеуметтік-педагогикалық қолдау мақсатында мектепке дейінгі тәрбиемен және оқытумен қамтылмаған балалардың ата-аналарының қажеттіліктері ескеріліп, ата-аналарға арналған консультациялық пункт отырысының

Анықтама

Қатысқаны: 4

Күні: 15.04.2025 ж

Қатыспағаны:

Тақырыбы: Балаңыз балабақшаға барса... (дөңгелек үстел)

Тыңдалды:

«Балдәурен» МДҰ әдіскер Сағынбаева М.Қ сөз алды:

Сәлеметсіздер ме ата-аналар! Бүгінгі кезекті отырысымызға қош келдіңіздер! Бүгінгі «Балаңыз балабақшаға барса...» деген тақырыпта дөңгелек үстел түрінде өтетін болады. Сіздердің балаларыңыз балабақшаға қандай көңіл күймен барады? Барған кездегі мінезі туралы айтып өтсеңіздер. Балабақшаға барған ұнайды ма? Балабақшаға барғаннан бері қандай өзгерістерін байқадыңыздар?

«Балдәурен» МДҰ ата-анасы Трубкулова С.Қ сөз алды: Сәлеметсіздер ме! Бүгінгі тақырып ерекше екен. Менің қазіргі таңда екі баламда балабақшаға барып жүр. Балаларымның бойынан тек жақсы мінезді байқап жүрмін. Үлкен қызым бұрын тұйықтау көп үндемейтін еді. Қазір ашылып, балалармен араласып өзін еркін ұстауды үйренді.

«Балдәурен» МДҰ ата-анасы Кеңшілікова М.Е сөз алды:

Сәлеметсіздер ме! Менің де балам биылдан бастап балабақшаға келіп жүр. Балам балабақшаға келіп, қасық ұстап тамақ ішуді үйренді. Балалармен еркін ойнап, араласуды үйренді.

«Балдәурен» МДҰ ата-анасы Абдуллина Д.Т сөз алды:

Менің де екі балам балабақшаға үнемі қалмай келіп жүр. Балабақшаға келген өздеріне ұнайды. Балабақшада әр түрлі қызықты ойындар, ҰОҚ –не қатысып үйренгенін үйде айтып отырады. Сонымен қатар балалармен араласып, сөздік қорлары толықты.

«Балдәурен» МДҰ

басшысының м.у.а:  Ж.Қ.Мырзабек

Хатшы:



М.Қ.Сағынбаева

